



Page: 6

Reach: 0

Country: BOSNIA AND HERZEGOVINA

Size: 148 cm2

1 / 1

Krivične prijave protiv Markovića i Čavara

Direktor SIPA Goran Zubac podnio je krivičnu prijavu protiv državnog tužioca Miroslava Markovića, upravo onog koji je potpisao optužnicu protiv Zupca. SIPA je Tužiteljstvu BiH dostavila krivičnu prijavu i protiv zamjenika ministra sigurnosti Mladena Čavara zbog, kako navode iz SIPA, njihovog postupanja nakon pokretanja krivičnog postupka protiv direktora SIPA Gorana Zupca. Na teret im stavljaju zloupotrebu položaja ili ovlasti zbog rješenja o onemogućavanju pristupa tajnim podacima Goranu Zupcu, prenosi FTV.

Ovo je jučer u sjedištu SIPA u Istočnom Sarajevu novinarima potvrdila policijska službenica ove agencije Kristina Jozić, navodeći da je izvještaj protiv spomenutih osoba podnesen zbog osnova sumnje da su počinili krivično djelo zloupotreba položaja ili ovlaste, odnosno produženo krivično djelo saizvršilaštvo.

“Prvoprijavljeni je dostavio informaciju drugoprijavljenom i naložio da drugoprijavljeni postupi protivno odredbama Zakona o zaštiti tajnih podataka BiH, odnosno istom informacijom je od njega protupravno zatražio da done-

se rješenje o onemogućavanju pristupa tajnim podacima oštećenom Goranu Zupcu”, navodi Jozić, ustvrdivši da je sve činio s ciljem suspenzije direktora SIPA.

Kako nadalje navodi, “drugoprijavljeni je nezakonitim radnjama postupio protivno odredbama Zakona o zaštiti tajnih podataka BiH i protivno odredbama Pravilnika o načinu izdavanja sigurnosnih dozvola, i to na način da je preduzeo službenu radnju koja je u nadležnosti druge institucije, odnosno druge službene osobe i donio nezakoniti upravni akt u formi rješenja”.



Podsjetimo, Tužiteljstvo BiH ranije je podiglo optužnicu protiv Zupca kojom ga tereti da se oglušio na zahtjeve za pomoć u zaštiti zgrade Predsjedništva BiH tokom protesta organiziranih 7. februara u Sarajevu, odnosno da je u vezi s tim odbio angažirati specijalnu jedinicu SIPA. U međuvremenu, Sud BiH je potvrdio optužnicu protiv Zupca koja ga tereti za krivično djelo - nesavjestan rad u službi.